

**Қазақстан Республикасының Үкіметі, Ресей Федерациясының Үкіметі мен Украина
Министрлер Кабинеті арасындағы "Ядролық отын өндіру жөніндегі бірлескен
украиндық-қазақстандық-ресейлік кәсіпорны" жабық акционерлік қоғамының дамуы
мен қызметіне көмектесу туралы келісімді бекіту туралы**

Қазақстан Республикасы Үкіметінің 2004 жылғы 19 наурыздағы N 346 қаулысы

Қазақстан Республикасының Үкіметі қаулы етеді:

1. 2003 жылғы 13 мамырда Астана қаласында жасалған Қазақстан Республикасының Үкіметі, Ресей Федерациясының Үкіметі мен Украина Министрлер Кабинеті арасындағы "Ядролық отын өндіру жөніндегі бірлескен украиндық-қазақстандық-ресейлік кәсіпорны" жабық акционерлік қоғамының дамуы мен қызметіне көмектесу туралы келісім бекітілсін.

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

**Қазақстан Республикасының Үкіметі, Ресей Федерациясының Үкіметі мен Украина
Министрлер Кабинеті арасындағы "Ядролық отын өндіру жөніндегі бірлескен
украиндық-қазақстандық-ресейлік кәсіпорын" жабық акционерлік қоғамын дамытуға
және қызметіне жәрдемдесу туралы
КЕЛІСІМ**

Әрі қарай Тараптар деп аталатын, Қазақстан Республикасының Үкіметі, Ресей Федерациясының Үкіметі және Украина Министрлер Кабинеті,

Ядролық қаруды таратпау жөніндегі 1968 жылғы 1 шілдедегі шарттың мақсаттарына жақтаушылықты растай отырып,

атом энергетика объектілерін сенімді және қауіпсіз пайдалануды қамтамасыз ету үшін өз мемлекеттерінің халықтары мен халықаралық қауымдастық алдындағы жауапкершілігін сезіне отырып,

Ядролық қауіпсіздік туралы 1994 жылғы 17 маусымдағы Конвенцияның міндеттемелерінің бұлжытпай орындалуын растай отырып,

Өндірістік, коммерциялық, несиелік-қаржылық, сақтандырушылық және аралас трансұлттық бірлестіктер құруға және дамытуға жәрдемдесу туралы 1994 жылғы 15 сәуірдегі келісімнің ережелерін басшылыққа ала отырып,

Украинада құрылған және тіркелген, әрі қарай БК аталатын, "Ядролық отын өндіру жөніндегі бірлескен украиндық-қазақстандық-ресейлік кәсіпорын" жабық акционерлік қоғамын дамыту әрі қарай Украинаның АЭС аталатын атом электр станцияларын бәсекелесуге қабілетті ядролық отынмен қамтамасыз етуде Тараптардың

мүдделіліктеріне жауап беретіндігін, әрі Қазақстан Республикасының, Ресей Федерациясы мен Украинаның атом энергетикасының өнеркәсіптік кешендерінің кооперациялық байланыс деңгейін арттырудың маңызды факторы болып табылатындығын ескере отырып,

экономикалық тиімділік, тең құқықтық және өзара пайдалылық принциптеріне сүйене отырып,

төмендегі туралы келісті:

1-бап

Тараптар тең бастамада әрі қарай ядролық отын деп аталатын Украина АЭС ВВЭР-1000 реакторлары үшін дайын жылу бөлетін жинақтамалар түріндегі бәсекелесуге қабілетті ядролық отын өндіру жөніндегі БК-ды дамытуға және қызметіне жәрдемдеседі.

Ядролық отын өндіру жөніндегі БК-ды дамыту және қызметі:

2002-2004 жылдар кезеңінде:

- қажетті өндірістік қуаттарды дайындауды;
- қызметшілерді оқытуды;
- цирконийлік құймалар мен прокатты, сондай-ақ жинақтамалы бұйымдарды дайындау технологияларын игеруді;
- ядролық отынды жеткізуді ұйымдастыру жөніндегі жұмыстарды бақылау мен үйлестіруді;

2005-2010 жылдар кезеңінде осы Келісімнің 2-бабына сәйкес белгіленетін қазақстандық, ресейлік және украиндық атқарушы ұйымдармен бірлесіп ядролық отын өндірісін ұйымдастыруды білдіреді.

2-бап

1. Осы Келісімнің мақсаттары үшін мыналар Тараптардың құзыретті органдары болып табылады:

Қазақстан Тарапынан - Қазақстан Республикасының Энергетика және минералдық ресурстар министрлігі;

Ресей Тарапынан - Ресей Федерациясының Атом энергиясы жөніндегі министрлігі;

Украина Тарапынан - Украинаның Отын және энергетика министрлігі.

2. Қазақстан Республикасының Энергетика және минералдық ресурстар министрлігі әрі қарай қазақстандық атқарушы ұйымдар деп аталатын тиісті қазақстандық ұйымдар мен кәсіпорындарға осы келісімнің шеңберінде ынтымақтастықты жүзеге асыруды тапсырады.

3. Ресей Федерациясының Атом энергиясы жөніндегі министрлігі әрі қарай ресейлік атқарушы ұйымдар деп аталатын тиісті ресейлік ұйымдар мен кәсіпорындарға осы келісімнің шеңберінде ынтымақтастықты жүзеге асыруды тапсырады.

4. Украинаның отын және энергетика министрлігі әрі қарай украиндық атқарушы ұйымдар деп аталатын тиісті украиндық ұйымдар мен кәсіпорындарға осы келісімнің

шеңберінде ынтымақтастықты жүзеге асыруды тапсырады.

5. Тараптар өздерінің құзыретті органдарына осы Келісімнің шеңберінде БК мен қазақстандық, ресейлік, украиндық атқарушы ұйымдар арасындағы ынтымақтастықты үйлестіруді, сондай-ақ оның тиімді атқарылуына бағытталған шаралардың орындалуы үшін бақылауды жүзеге асыруды тапсырады.

6. Ядролық қаруды шығару үшін қажетті өндірістік қуаттарды пайдалануды оңтайландыру мақсатында Тараптардың құзыретті органдары мен Тараптар мемлекеттерінің аумақтарындағы тиісті атқарушы ұйымдар келісілген жоспар бойынша ядролық отын өндірісін дамытуды жүзеге асырады.

7. Осы Келісімнің шеңберінде тауарларды жеткізу, жұмыстарды орындау және қызмет көрсету БК мен жұмыстардың нақты мазмұнын, төлемдердің бағаларын, шарттарын, жұмыстарды орындау кестелерін, БК мен тиісті атқарушы ұйымдардың - міндеттемелері мен жауапкершілігін бекітетін Тараптардың атқарушы ұйымдары арасында жасалатын шарттар (келісім-шарттар) негізінде жүзеге асырылады. Тараптардың құзыретті органдары көрсетілген шарттардың (келісім-шарттардың) ж а с а л у ы н а ж ә р д е м д е с е д і .

8. Осы баптың 1-тармағында белгіленген құзыретті орган таратылған немесе қайта ұйымдастырылған жағдайда оның құқықтары мен міндеттемелері оның құқықтық мұрагеріне немесе тиісті Тарап тағайындаған басқа органға өтеді. Басқа құзыретті органның тағайындалуы туралы Тараптар ноталармен алмасу жолымен дипломатиялық арналар арқылы бірін-бірі хабардар етеді.

3-бап

Қазақстан және Ресей Тараптары мен олардың құзыретті органдары БК міндеттемелері бойынша жауапкершілікте болмайды.

Украина Тарапы және оның құзыретті органы, Украина заңнамасымен көзделген жағдайларды қоспағанда, БК міндеттемелері бойынша жауапкершілікте болмайды.

4-бап

1. Осы Келісіммен көзделген ынтымақтастықты жүзеге асыру мақсатында Қазақстан Тарапы Украина АЭС ВВЭР-1000 реакторлары үшін ядролық отын жеткізуге жеткілікті көлемде және ресейлік өндірістегі отын таблеткаларының бағаларымен бәсекелесе алатын баға бойынша отын таблеткаларын жеткізуді қамтамасыз етеді.

2. Осы Келісіммен көзделген ынтымақтастықты жүзеге асыру мақсатында Ресей Тарапы бағасы уранның тотықша-тотығы, оны байыту мен ұқсатудың базистік бағалары бойынша құралатын байытылған уран шикізатын жеткізуді қамтамасыз етеді.

Ресей Тарапы 2010 жылғы 31 желтоқсанға дейінгі кезеңде DDU (ресейлік-украиналық шекара) шарттарында бойынша 1996 жылғы 8 мамырдағы жағдай бойынша мынадай базистік бағаларды, 2000 жылғы өзгерістермен және толықтырулармен "Инкотермс" сауда-саттық терминдеріне түсінік берудің халықаралық ережелерін кепілдендіреді:

- уранның тотықша-тотығы - уранның 1 кг үшін 18 (он сегіз) А Қ Ш доллары ;
- уранды байыту - айыру жұмысының бір бірлігіне 75 (жетпіс бес) А Қ Ш доллары ;
- уранды конверсиялау - 1 кг уран үшін байытылған урандық шикізаттың бағасын есептеу күніндегі көрсетілген бағаларды үстемелеуді ескергенде, 6 (алты) АҚШ доллары.

3. Осы Келісіммен көзделген ынтымақтастықты жүзеге асыру мақсатында Украина Тарапы :

- БК ядролық отынды тәуелсіз (түпкілікті өнімді жеткізу түрінде қызметтердің толық кешенін ұсыну) жеткізуші деп таниды;
- ядролық отынды өндіру үшін қажетті жабдықтардың, материалдар мен жинақтамалардың БК-ға жеткізілуіне көмектеседі;
- 2010 жылғы 31 желтоқсанға дейінгі кезеңде тек қана БК өндіретін ядролық отынды сатып алуды жүзеге асырады. БК Украинаның АЭС ядролық отынмен толықтай қамтамасыз етпеген жағдайда ресейден шығатын ядролық отынды сатып алуды жүзеге асырады. Бұл міндеттеме 2000 жылғы 31 желтоқсаннан кейін Ресей Тарапы растауы тиіс, ядролық отын өндірісі үшін байытылған уран шикізатының бағасы туралы Ресей мен Украина Тараптарының атқарушы ұйымдары арасында уағдаластыққа қол жеткізілген жағдайда күшінде қалады.

4. Тараптар осы Келісіммен көзделген ынтымақтастықты жүзеге асыру мақсатында Тараптардың құзыретті органдарына, тиісті атқарушы ұйымдарға және БК-ға ұлттық заңнамаға сәйкес өз мемлекеттерінің аумақтары бойынша ядролық материалдарды тасымалдаумен байланысты мәселелерді шешуге жәрдемдеседі.

5-бап

1. Осы Келісіммен көзделген ынтымақтастықты жүзеге асыру мақсатында Қазақстан Тарапының құзыретті органы және қазақстандық атқарушы ұйымдар ядролық отын үшін отындық таблеткаларды өндіруді және жеткізуді қамтамасыз етеді.

2. Осы Келісіммен көзделген ынтымақтастықты жүзеге асыру мақсатында Ресей Тарапының құзыретті органы және ресейлік атқарушы ұйымдар:

- БК ядролық отынды жеткізу басталғанға дейін шарттармен (келісім-шарттармен) көзделген жағдайларда Украина АЭС үшін ядролық отынның жеткізілуін қамтамасыз етеді;
- жылу бөлетін элементтер (твэлдер) мен жылу бөлетін жинақтамаларды өндіруді қамтамасыз етеді;
- қазақстандық атқарушы ұйымдарды Украина АЭС-да ядролық отынды жеткізу үшін жеткілікті көлемде ВВЭР-1000 реакторларының твэлдері үшін отындық таблеткаларды дайындауға тапсырыстармен қамтамасыз етеді;

- оның бәсекелік қабілетін қамтамасыз ету мақсатында ядролық отынды жетілдіру үшін ғылыми, технологиялық, конструкторлық және өндірістік әлеуетті тартуға көмектеседі;
- Украинада цирконий мен оның жартылай фабрикатын өндіруге қажетті материалдарды БК-ның жеткізуін қамтамасыз етеді.

3. Осы Келісіммен көзделінген ынтымақтастықты жүзеге асыру мақсатында Украина Тарапының құзыретті органы және украиналық атқарушы ұйымдар:

- ядролық отын өндіруге пайдаланылатын цирконийлік прокат ө н д і р і с і н ;
- ядролық отын өндіруге пайдаланылатын жинақтамалық бұйымдар өндірісін қамтамасыз етеді.

6-бап

1. Тараптар арасында ядролық материалдардың, жабдықтардың, арнайы ядролық емес материалдардың және тиісті технологиялардың экспорты мен импорты 1968 жылғы 1 шілдедегі Ядролық қаруды таратпау туралы шарттан және басқа да халықаралық шарттар мен Тараптардың мемлекеттері қатысушылары болып табылатын уағдаластықтардан туындайтын Тараптардың міндеттемелеріне сәйкес жүзеге а с ы р ы л а д ы .

2. Қазақстан Тарапы осы Келісімнің шеңберінде Ресей Федерациясынан немесе Украинадан импортталатын ядролық материалдардың, жабдықтың, арнайы ядролық емес материалдардың және тиісті технологиялардың, сондай-ақ олардың негізінде өндірілген немесе оларды пайдалану нәтижесінде ядролық және арнайы ядролық емес материалдардың, қондырғылар мен жабдықтың:

а) ядролық қаруларды және басқа да ядролық жарылғыш құрылғылар өндіру үшін немесе қандай да болмасын соғыс мақсаттарына қол жеткізу үшін п а й д а л а н ы л м а й т ы ғ ы н а ;

б) Қазақстан Республикасы мен Атом энергиясы жөніндегі халықаралық агенттігі арасындағы Қазақстан Республикасының барлық ядролық қызметін қамтитын 1994 жылғы 26 шілдедегі Ядролық қаруды таратпау туралы шартқа байланысты кепілдіктерді қолдану туралы келісімге сәйкес Қазақстан Республикасының аумағында немесе юрисдикциясының қарауында нақты болатын барлық мерзім ішінде МАГАТЭ кепілдіктерінде б о л а т ы н д ы ғ ы н а ;

в) МАГАТЭ ұсынатын деңгейлерден төмен емес деңгейлерде физикалық қорғау шараларымен қамтамасыз етілетіндігіне;

г) Ресей Тарапының жазбаша рұқсаты немесе Украина Тарапының жазбаша рұқсаты бар болған кезден басқа және осы тармақтың "а", "б" және "в" - тармақшаларында көзделінген жағдайларда қайта экспортталмайтындығына (экспортталуына) немесе Қазақстан Республикасының юрисдикциялық қарауынан берілмейтіндігіне кепілдік береді.

3. Украина Тарапы осы Келісімнің шеңберінде Ресей Федерациясынан немесе Қазақстан Республикасынан импортталатын ядролық материалдардың, жабдықтың, арнайы ядролық емес материалдардың және тиісті технологиялардың, сондай-ақ олардың негізінде өндірілген немесе оларды пайдалану нәтижесінде ядролық және арнайы ядролық емес материалдардың, қондырғылар мен жабдықтың:

а) ядролық қаруларды және басқа да ядролық жарылғыш құрылғылар өндіру үшін немесе қандай да болмасын соғыс мақсаттарына қол жеткізу үшін п а й д а л а н ы л м а й т ы н д ы ғ ы н а ;

б) Қазақстан Республикасы мен Атом энергиясы жөніндегі халықаралық агенттігі арасындағы Украинаның барлық ядролық қызметін қамтитын 1994 жылғы 26 шілдедегі Ядролық қаруды таратпау туралы шартқа байланысты кепілдерді қолдану туралы келісімге сәйкес Украинаның аумағында немесе юрисдикциясының қарауында нақты болатын барлық мерзім ішінде МАГАТЭ кепілдіктерінде болатындығына;

в) МАГАТЭ ұсынатын деңгейлерден төмен емес деңгейлерде физикалық қорғау шараларымен қамтамасыз етілетіндігіне;

г) Ресей Тарапының жазбаша рұқсаты немесе Қазақстан Тарапының жазбаша рұқсаты бар болған кезден басқа және осы тармақтың "а", "б" және "в" - тармақшаларында көзделінген жағдайларда қайта экспортталмайтындығына (экспортталуына) немесе Украинаның юрисдикциялық қарауынан берілмейтіндігіне к е п і л д і к б е р е д і .

4. Егер Тараптар өзгеше келіспесе, ядролық материалдар қосымша байытылмайды немесе қайта өңделмейді, ал жабдық - өзгертуге тартылмайды.

5. Қазақстан және Украина Тараптары қосарлы мақсаттағы жабдықтар мен материалдарды және ядролық мақсаттарда қолданылатын тиісті технологияларды немесе олардың кез келген туынды көшірмелерін ядролық жарылғыш құрылғылар құру жөніндегі кез келген қызметке немесе МАГАТЭ кепілдіктеріне кірмейтін ядролық отын циклі саласының қызметіне пайдаланбайды.

7-бап

1. Әрбір Тарап осы Келісімді орындау кезінде, қазақстандық, ресейлік және украиналық атқарушы ұйымдар алмасатын коммерциялық және өнеркәсіптік құпияларды, ноу-хауды қоса алғанда, ақпараттың құпиялығын қамтамасыз ету үшін сол мемлекеттің заңнамасымен көзделінген барлық шараларды қабылдайды.

2. Осы Келісім шеңберінде жұмыстарды орындау және қызметтер көрсетуді ұсыну барысында Тараптардың атқарушы ұйымдары беретін немесе құратын интеллектуалдық меншіктегі объектілерге арналған құқықтық қорғау және құқықтарды бөлу мәселелері Тарап мемлекеттерінің қолданыстағы заңнамаларымен белгіленеді. Осы Келісім бойынша ынтымақтастық шеңберінде техникалық шешімдерді және өзге де интеллектуалдық меншік объектілерді беру өзінен кейін, егер Тарап мемлекеттерінің заңнамасына сәйкес тиісті қазақстандық, ресейлік және украиналық атқарушы ұйымдар

арасында жасалатын шарттармен (келісім-шарттармен) өзгеше көзделінбесе, мұндай шешімдер мен объектілерге авторлық құқықтарды беруге ұрындырмайды.

3. Осыған қатысушы болып табылмайтын тарапқа осы Келісімнің шеңберінде орындалған бірлескен әзірленімдер туралы ақпаратты беру тәртібін Тараптардың құзыретті органдары белгілейді және әрбір нақты жағдайда жазбаша нысанда ресімделеді.

8-бап

Осы Келісімнің ережелерін қолдануға немесе түсіндіруге қатысты туындаған даулар консультациялар және келіссөздер жолымен немесе Тараптармен келісілген өзге де рәсімдердің көмегімен шешіледі.

9-бап

Қажет болған жағдайда Тараптардың құзыретті органдары олардың біреуінің ұсынысы бойынша осы Келісімді іске асыруды қамтамасыз ету жөніндегі ұсынымдарды қарау үшін кездесулерді өткізеді.

10-бап

1. Тараптар осы Келісімнің ережелерін коммерциялық басымдықтарды алу мақсатында немесе басқа Тараптың коммерциялық байланыстарында шектеулер т у д ы р у ү ш і н п а й д а л а н б а й д ы .

2. Осы Келісім қатысушылары Тарап мемлекеттері болып табылатын басқа шарттар бойынша Тараптардың құқықтары мен міндеттерін қозғамайды.

11-бап

Осы Келісімге Тараптардың өзара келісуі бойынша осы Келісімнің ажырамас бөлігі болып табылатын хаттамалармен ресімделетін өзгерістер мен толықтырулар енгізілуі мүмкін.

12-бап

Осы Келісімді орындауға байланысты кез келген ақпаратты алмасу мақсатында ресми тіл ретінде орыс тілі пайдаланылады.

13-бап

1. Осы Келісім қол қойған күннен бастап уақытша қолданылады және оның күшіне енуі үшін Тараптардың барлық қажетті мемлекетішілік рәсімдерді орындауы туралы соңғы жазбаша хабарламасын алған сәттен бастап күшіне енеді және белгіленбеген м е р з і м г е ж а с а л а д ы .

2. Тараптардың әрқайсысы осы Келісімнің күшін қалған Тараптарға тиісті жазбаша хабарлама жіберу жолымен оның екі жылдық кезеңінің өтуі бойынша күшін тоқтата алады. Бұл жағдайда осы Келісімнің күші Тараптардың бірінің осындай жазбаша хабарлама берген күнінен бастап екі жылдық мерзімнің өтуі бойынша тоқтатылады. Осы Келісім күшінің тоқтатылуы БК мен атқарушы ұйымдардың оның күші кезеңіндегі

туындаған құқықтар мен міндеттемелерді қозғамайды.

3. Осы Келісімнің күші тоқтатылғаннан кейін осы Келісімнің 6-бабының ережелері күшінде қалады.

_____ қаласында 200_ жылғы "___" _____ бір түпнұсқалық данада орыс тілінде жасалды. Түпнұсқа дана оның куәлендірілген көшірмесін Қазақстан және Ресей Тараптарына жолдайтын Украина Тарапында сақталады.

<i>Қазақстан</i>	<i>Ресей</i>	<i>Украинаның</i>
<i>Республикасының</i>	<i>Федерациясының</i>	<i>Министрлер</i>
<i>Үкіметі үшін</i>	<i>Үкіметі үшін</i>	<i>Кабинеті үшін</i>

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК